

唐圭璋編

全宋詞

第五册

國立編譯館

全宋詞卷七十二

毛滂 一百一首 附錄
三首

毛滂

滂字泽民衢州人爲杭州法曹受知東坡後乃出蔡京之門元符二年知武康縣政和中守嘉禾有東堂詞

水調歌頭 元會
曲

九金增宋重八玉變秦餘 上平韻在延云六
慶之用尙循秦舊 千年清浸洗淨河洛出

圖書一段昇平光景不但五星循軌萬點共連珠 崇寧大觀之間太史
數奏五星循軌衆星

順鄉靡
有碎亂 垂衣本神聖補袞妙工夫 朝元去鏘環佩冷雲衢芝房

雅奏儀鳳矯首聽笙竽天近黃麾仗曉春早紅鸞扇暖遲日上金

鋪萬歲南山色不老對唐虞

絳都春 太師
生辰

餘寒尚峭早風沼凍開芝田春到茂對誕期天與公春向藤嶺元

功開物爭春妙付與穠華多少召還和氣拂開霽色未妨談笑

縹緲五雲亂處種影孤向熟碧桃猶小雨露在門光彩充闔烏亦

好寶熏鬱霧城南道天自錫公難老看公身任安危二十四考

清平樂 千葉
芝

九重寒少煙暖豐瑤草金井碧梧雛鳳矯南極人來最老 衣冠

遠換裘氈德隨和氣蟬連萬里同開壽域一年三秀芝田

又

重芳疊秀風約仙雲皺椿不爭年松與壽共出皇家忠孝 仁深

枯冷皆蒙託根不倚東風日照恩光萬里暖生寒草叢中

又

鏡煙翦霧鞦韆無層數首宿青深煩雪兔引到祥華開處 仙人

手翳朝陽清都絳闕相將來覆東封翠輦好遮化日舒長

又

九莖爲壽千葉前無有葉葉年年看不朽天與君王意厚 君恩

雨露無邊玉筵暖接弄煙馬向華山烽冷人安草亦千年

又 絳河
清

絳河千歲一照昇平事萬里青銅開碧霽俯見南山晚翠 紺寒

不翅湘鄴清於練靜江澄流向萬年觴裏玉波可但如澗

又

銀河秋浪遙出崑崙上忽變澄瀾添碧漲可道昇平無象 黃雲

濁霧初開榮光休氣徘徊試覓當時五老金泥玉檢將來

又

天連翠瀨九折玻璃輒回抱金隄清宛轉疑共蓬萊清淺 吾君

欲濟如何唐虞風順無多自有松舟楫楫一帆三代同波

又 太師相
公生辰

娟娟月滿冉冉梅花暖春意初長寒力淺漸擬芳菲滿眼 當時

吉夢重重開生天子三公付與人閒桃李年年管領春風

又

瀛洲春酒滿酌公眉壽日照沙隄春榜柳恩暖朝天袞繡 東君

著意丁寧芳酸先許梅英要就昇平滋味待公來進君羹

又

雪餘寒退唯有青松在春不加榮寒不悴用舍如公都耐 流肪

磊落龜蛇會留紅日西斜欲助我公壽骨蟠桃等見開花

又 已卯長
至作

流光電急又過書雲日舊是天津花下客老對山青水碧 而今

轉惜年華遲陽爲緩西斜試問東君音信曉寒猶壓梅花

又 東堂月夕小酌時寒
秀亭下婆羅花盛開

雲峰秀疊露冷瑠璃葉北畔娑羅花弄雪香度小橋淡月 與君

踏月尋花玉人雙捧流霞吸盡杯中花月仙風相送還家

又 夕元

東風桂影低拂姮娥鏡裏妝寒酥粉瑩越恁十分端正 素光

行處隨人柳邊照見青春一片笙簫何處花陰定有遺簪

又 春爾用
殊老韻

曲房青瑣淺笑櫻桃破睡起三竿紅日過冷了沈香殘火 東風

偏管伊家贖教那與禮華誰送一懷春思玉臺燕拂菱花

又 送賈耘老盛德常還郡時飲
官酒於東堂二君許復過此

杏花時候庭下雙梅瘦
天上流霞凝碧袖
起舞與君爲壽
兩橋風月同來東堂且沒塵埃煙艇何時重理更憑風月相催

又 春夜曲

蘭堂燈炮春入流蘇
夜衣褪輕紅聞水麝雲重寶釵未卸
知君不奈情何時慢轉橫波一餉花柔柳困枕前特地春多

又 與諸君小酌燭下見花戲作一首

風搖地燼吹下桃花影
醉倒碧鋪眠碎錦誰伴香迷酒凝
少年不解孤春年來減盡春心猶下繡簾遮定不教風雨侵凌

又

桃夭杏好似箇人人好淡抹胭脂眉不掃
笑裏知春占了此情沒箇人知燈前子細看伊恰似雲屏半醉不言不語多時

又 春晚與諸君飲

杯深莫厭強看桃花面
記約陽和初一線便恁芳菲滿眼
明年春色重來東堂花爲誰開我在蘆花深處釣磯雨綠莓苔

又

錦屏夜夜繡被熏蘭麝帳卷芙蓉長不下
垂盡銀臺蠟燭臉痕微著流霞曹騰越恁穠華破睡半殘妝粉月隨雪到梅花

浣溪沙 宴太守張公內翰作

碧霧朦朧鬱寶熏和風容曳舞簾旌
花開千騎兩朱輪金馬天材文作錦玉堂仙骨氣如冰湖山何似使君清

又 對梅觀梅

曾向瑤臺月下逢爲誰回首矮牆東
春風吹酒退頰紅庚嶺殷勤遠信梅家瀟灑有仙風晚香都在玉杯中

又 新春四夜松堂小飲微雪復止

謝女清吟壓郢樓樓前風轉柳花毬
學成舞態卻多羞半落瓊瑤天又惜稍侵桃李蝶應愁酒家先當翠雲裘

又 仲冬朔日獨步花塢中瞻酌蕭然見櫻桃杏花

小圃韶光不待邀早通消耗與含桃
晚來芳意半寒梢含笑不言春淡淡試妝未徧雨蕭蕭東家小女可憐嬌

又 家人生日

日照遮檐繡鳳博山金暖一簾香尊前光景為君長 不信臘
寒彫鬢影漸勻春意上妝光梅花豈共占年芳

又 上元游 靜林寺

花市東風卷笑聲柳溪人影亂於雲梅花何處暗香聞 露溼翠
雲裘上月燭搖紅錦帳前春瑤臺有路漸無塵

又 梅詠

月樣嬋娟雪樣清索強先占百花春於中燭底好精神 多恨肌
膚元自瘦半殘妝粉不怙勻十分全似那人人

又 初春汎舟時北山積雪 盈尺而水南極林壑闕

水北煙寒雪似梅水南梅鬧雪千堆月明南北兩瑤臺 雲近恰
如天上坐魂清疑向斗邊來梅花多處載春回

又 寒食初晴 東堂對酒

小雨初收蝶做團和風輕拂燕泥乾鞦韆院落落花寒 莫對清
尊追往事更催新火續餘歡一春心緒倚闌干

又 寒食初晴桃李皆已 零落獨牡丹欲開

魏紫姚黃欲占春不教桃杏見清明殘紅吹盡恰纔晴 芳草池
塘新漲綠官橋楊柳半拖青鞦韆院落管絃聲

又 八月十八 夜東堂作

晚色寒清入四檐梧桐冷碧到疏簾小花未了燭花偏 瑤瓊宇
堆春這裏錦屏屈曲夢誰邊熏籠香暖索衣添

又 九月十二 夜務虛作

碧浸澄沙上下天曲隄疏柳短長煙月明不待十分圓 馨蕊未
空牙板鬧闌干久凭夾衣寒嬋娟薄倖冷相看

又 武康 社日

碧戶朱窗小洞房玉醴新壓嫩鵝黃半青橙子可憐香 風露滿
簾清似水笙簫一片醉為鄉芙蓉繡冷夜初長

又

松菊秋來好在無寄聲猿鶴莫情疏淵明不老久踟躕 打鼓楓
林誰作社枕溪茆屋憶吾廬去年醉倒倩人扶

又

本是青門學灌園生涯渾在亂山前一犁春雨種瓜田 別後情
雲遮鶴帳來時和月寄漁船旁人莫做長官看

又 泊望仙橋月
夜舟中留客

夜色輕涼入畫船雲峰飛盡玉爲天疏颿自爲月褰簾 細酌流
霞君且住更深風月更清妍爲誰淒斷小橋邊

又 訪吳中
朋友

錦里無端無素書長安秋晚憶家無故人來此尙踟躕 舊事殷
勤休忘了老來淒斷惡消除小樓雪夜記當初

又 松齋夜雨留
客戲追往事

記得山翁往少年青樓一笑萬金錢寶鞍逐月玉鞭寒 老對凍
膠留客話醉爬短髮枕書眠伴人松雨隔疏簾

又 汎舟還
餘英館

煙柳風蒲冉冉斜小窗不用著簾遮載將山影轉灣沙 略約斷
時分岸色蜻蜓立處過汀花此情此水共天涯

又 送湯
詞

蕙炷猶薰百和纔鬪膏正爛五枝紅風流雲散太恩恩 仙草已
添君勝爽醉鄉肯爲我從容賸風殘月小庭空

又 汎
舟

銀字笙簫小小童梁州吹過柳橋風阿誰勸我玉杯空 小醉徑
須眠錦瑟夜歸不用照紗籠畫船簾卷月明中

又

豔豔金波暖做春疏疏煙柳瘦於人柳邊半醉不勝情 未解畫
船留待月緩歌金縷細留雲將雲帶月入東門

又 月夜對
梅小酌

蠟燭花中月滿窗楚梅初試壽陽妝麒麟爲脯玉爲漿 花影燭
光相動蕩抱持春色入金觴鴨鑪從冷醉魂香

天香 宴錢塘太守
內翰張公作

進止詳華文章爾雅金鑾恩異羣彥塵斷銀臺天低鼉禁最是玉
皇香案燕公視草星斗動昭回雲漢對罷宵分又是金蓮燭引歸

院 年來假藩江畔賴湖山慰公心眼碧瓦千家少借袴襦餘暖

黃氣珠庭漸滿望紅日長安殊不遠緩轡端門青春未晚

小重山 宴太守張公內翰作

碧瓦朱甍紫翠深玻璃屏障裏錦爲城子胥英爽海濤橫玉堂人於此勸春耕 五月政當成巖廊將去路肯留行江山雄勝爲公傾公惜醉風月若爲情

案宋本此下原有小重山誰勸在風一首据花庵詞選乃李漢老詞因刪

又 春雪 小醉

門外東風糝玉塵曲房花氣藹博山春小槽珠滴桂椒芬梅蕊綻誰共醉中聞 睡起靜無人曲屏橫遠翠錦爲鄰十年舊事夢如新紅蕤枕猶暖楚峰雲

又 家人生日

鶴舞青青雪裏松冰開龜在藻綠蒙茸一成不記蕊珠宮蟠桃熟應待幾東風 玉酒紫金鍾非煙羅幕暖寶熏穠贈君春色臘寒中君留取長伴臉邊紅

滿庭芳 夏曲

爍石炎曦過雲急雨院落槐午陰清藕花開徧綠細一池萍槽下真珠溜溜龍團破河朔餘醒闌干外梧桐葉底金井轆轤聲 盈盈開霧帳珊瑚連枕雲母圍屏對肌膚冰雪自有涼生翠袖風回畫扇拂香篆蚪尾斜橫北窗晚娟娟靜色竹影上簾旌

又 西園月夜賞花

馬絡青絲障開紅錦小晴初斷香塵芳醪滿載持燭有佳人飛蓋西園午夜花梢冷雲月朧明折還惜留花伴月占定可憐春 佳人爭插帽已殘芳樹猶綴餘英任紅辭香散蝶恨蜂瞋醉也和春戴去深院落初馥鑪熏玉臺畔未教卸了留映晚妝新

攤聲浣溪沙 天雨新晴孫使君宴客雙石堂遣官奴試小龍茶

日照門前千萬峰晴颿先掃凍雲空誰作素濤翻玉手小團龍定國精明過少壯次公煩碎本雍容聽訟陰中苔自綠舞衣紅

又 冬至日天氣晏溫從使君步至雙石堂北望山中微雪因開窗倚目適二柳當前使君命僕之靈然遂得衆山之妙

日轉堂陰一線添使君和氣作春妍祇有北山輕帶雪見豐年殘月夜來收不盡行雲早起更留連急翦垂楊迎秀色到窗前

又吳興曾舍竹下
與王明之飲

兩色流香繞坐中
映階疏竹一叢叢
不奈晚來蕭瑟意
子猷風
激灑滿傾金
鑿落淋漓從溼繡
芙蓉吸盡百川天
上去看長虹

踏莎行

陳興宗夜集
憐愛姬出幕

天質嬋娟妝光蕩
漾御酥做出花模樣
天桃繁杏本妖妍
文鴛彩
風能假傍
艾綠濃香鵝黃新
釀綠雲清切歌聲
上夜寒不近繡
芙蓉醉中祇覺春
相向

又會宗園初
見梅花

映竹幽妍臨池娟
靚芳苞先暖香初
娠南枝微弄雪精
神東君早
寄春音信
奔月仙標乘煙遠
韻玉臺粉點和酥
凝從來清瘦可
禁寒爲誰早把霞
衣褪

又梅蠟

栗玉玲瓏雍雍酥
浮動芳跗染得胭脂
重風前蘭麝作香
寒枝頭煙
雪和春凍
蜂翅初開蜜房香
弄佳人寒睡愁和
夢鵝黃衫子茜
羅裙風流不與江
梅共

又正月五日定
空寺觀梅

景泮冰檐情回瑤
草副能守得春來
到管曾獨自索春
憐而今覩
著東風笑
粉凝酥寒雲房
睡覺胭脂也不添
些小天真要與此
花爭是伊占得春
多少

又元夕

撥雪尋春燒燈續
晝暗香院落梅開
後無端夜色欲遮
春天教月
上官橋柳
花市無塵朱門
如繡嬌雲瑞霧籠
星斗沈香火冷小
妝殘半衾輕夢濃
如酒

又早春
即事

階影紅遲柳苞黃
徧織雲弄日陰晴
半重簾不卷篆香
橫小花初
破春叢淺
風繡猶重鴨鑪
長暖屏山翠入江
南遠醉輕夢短枕
閒敲綠窗窈窕風
光轉

又追往
事

芳氣霏微薄衣料
峭何人正倚桃花
笑流紅不出武陵
溪這回空
與春風到
尊俎全稀風情
終較安仁老也誰
知道碧雲無信失

秦樓舊時明月猶相照

又 中秋玩月

碧樹陰圓綠階露滿金波激灑堆瑤瑤行雲會事不飛來長空一片琉璃淺 玉燕釵寒藕絲袖冷只應未倚闌干徧隨人全不似嬋娟桂花影裏年年見

玉樓春 戊寅重陽病中不飲惟煎小雲團一杯薦以菊花

西風吹冷沈香篆門掩小晴紅葉院臥看黃菊送重陽露重煙寒花未徧 衰翁病怯琉璃簾日日愁侵霜鬢短一杯菊葉小雲團 滿眼蕭蕭松竹晚

又 僕前年當重九微疾不飲但撥菊葉煎小雲團用酬節物戲作短句以侑茗飲逮去年曾登山高會今年客東都依逆旅主人舍無游從不復出門不知時節之變或云今日重九起坐空庭月下復取雲團酌一杯蓋用僕故事以送佳節又作侑茶一首以和韻

泥銀四壁盤蝸篆明月一庭秋滿院不知陶菊總開無但見杜苔新雨徧 去年醉倒雲爲簾未盡百壺驚日短小雲今夜伴牢愁好在鳳凰春未晚

又 贈孫守公素

三衢太守文章伯七月政成如戲劇坐中效唾落珠璣筆下神明飛霹靂 才高莫恨溪山窄且與燕公添秀發風流前輩漸無多好在魏公門下客

又 己卯歲元日

一年滴盡蓮花漏碧井餘酥沈凍酒曉寒料峭尙欺人春態苗條先到柳 佳人重勸千長壽柏葉椒花芬翠袖醉鄉深處少相知 祇與東君偏故舊

又 定空寺賞梅

蕊珠宮裏三千女滴粉爲春塵不住月華冷處欲迎人七里香風生滿路 一枝誰寄長安去想得韶光能幾許醉翁滿眼玉玲瓏 直到煙空雲盡處

又 立春日

小園半夜東風轉吹皺冰池雲母而曉披闔闔見朝陽知向碧階添幾線 小煙弄柳晴先暖殘雪禁梅香尙淺殷勤洗拂舊東君多少韶華聊借看

又 至時
胎作

長安回首空雲霧春夢覺來無覓處冷煙寒雨又黃昏數盡一隄楊柳樹 楚山照眼青無數淮口潮生催曉渡西風吹面立蒼茫 欲寄此情無雁去

又 三月三日
雨夜鶻客

一春花事今宵了點檢落紅都已少阿誰追路問東君祇有青青河畔草 尊前不信韶華老酒意妝光相借好檢前暮雨亦多情 未做朝雲容易曉

南歌子 正月二十八日
定空寺賞梅

暮夜寒依樹嬌雲冷傍人江南誰寄一枝春可似龍輿十里更無塵 雨蓼胭脂淡香鬢蝶子輕碧山歸路小橋橫誰見暗香今夜月朧明

又 東堂小酌
賦秋月

庭下新生月憑君把酒看不須直待素團圓恰似那人眉樣秀彎環 冷射鴛鴦瓦清欺翡翠簾數枝煙竹小橋寒漸見風吹疏影

過闌干

又 席上和衛
守李師文

綠暗藏城市清香撲酒尊淡煙疏雨冷黃昏零落酸醜花片損春痕 潤入笙簫賦春餘笑語溫更深不鎖醉鄉門先遣歌聲留住 欲歸雲

八節長歡 送孫守
公案

名滿人間記黃金殿舊賜清閒才高鸚鵡賦風懷惠文冠濤波何處試蛟鱗到白頭猶守溪山且做龔黃曠度留與人看 桃溪柳曲陰圓離唱斷旌旗卻卷春還襦袴寄餘溫雙石畔唯聞吏膽長寒詩翁去誰細縛屈曲闌干從今後南來幽夢應隨月度雲端

又 登高
詞

澤國秋深繡楹天近坐久魂清溪山繞尊酒雲霧浥衣襟餘霞孤雁送鄉愁寄寒閨一點離心杜老雨峰秀處短髮疏巾 佳人為折寒英羅袖溼真珠露冷鉤金幽豔為誰妍東籬下卻教醉倒淵明君但飲莫觀他落日蕪城從教夜龍山清月端的便解留人

蕩山溪

雪空甍徑撲撲憐飛絮柔弱不勝春任東風吹來吹去牆陰苑外

一片落誰家葉依依煙鬱鬱依舊如張緒 那人拈得吹向釵頭

住不定卻飛揚滿眼前攪人情悵蜂兒蝶子教得越輕狂隔斜陽

點芳草斷送青春暮

又

東堂武康縣令含盡心堂也僕改名東堂治平中越人王震所作自吳興刺史府與五縣令含無得與東堂等族嗣者去年僕來見其突兀出

警蒼而齒生梁上鼠走戶內東西兩便室蛛網結縷蒙絡窗戶守舍無有丈夫履聲始以資云前大夫憂民勞苦眠飯於簿書獄訟間是堂也尚十餘間傾攪於蕭艾中鳴咽其上五經與下磨礪澤澤以十夫日

往刈之穢可入欲以居人則有覆壓之患取以為薪則又可憐試豫其蠶蠶之全加以斧斤乃能為亭二為庵為齋為樓各一雖卑隘僅可容膝然清泉修竹便有遠韻又伐惡木十許根而好山不約自至矣乃以

生遺名樓實妨名齋潛玉名庵寒秀陽春名亭花名塢蝶名徑而疊石為漁磯編竹為鷓巢皆在北池上獨陽春西窗高山最多又有餘籬一

架僕頃少時喜擊硯澆事徒能誦古人紙上語未嘗與天下史師游以故邑人私愚其令不以寄枉直雖有疾苦曾不以告也庭院蕭然鳥雀

相呼僕乃得飽食晏眠無所用心於東堂之上戲作長短句一首託其聲於蕩山溪云

東堂先曉簾挂扶桑暖畫舫寄江湖倚小樓心隨望遠水邊竹畔

石瘦蘚花寒秀陰遮潛玉夢鶴下漁磯晚 藏花小塢蝶徑深深

見彩筆賦陽春看藻思飄飄雲半煙拖山翠和月冷西窗玻璃瓊

蒲萄酒旋落醅醑片

又上元詞

嬋娟不老依舊東風面華燭下珠軒盛寒裏春光一片不教暮景

也似每常來水精宮銀色界今夜分明見 碧街如水人影花凌

亂誰在柳陰中小妝寒落梅數點詩翁獨倚十二玉闌干露濛濛

雲冉冉千嶂瑠璃淺

又元夕詞

梅花初謝雪後寒微峭誰送一城春綺羅香風光窈窕插花走馬

天近寶鞭寒金波上玉輪邊不是紅塵道 玻璃山畔夜色無由

到深下水晶簾擁嚴妝鉛華相照珠樓綉紗人月兩嬋娟尊前月

月中人相見年年好

臨江仙 宿僧舍

古寺長廊清夜美風松煙檜蕭然石闌干外上疏簾暎雲閒窈窕

斜月靜嬋娟 獨自徘徊無箇事瑤琴試奏流泉曲終誰見枕琴

眠香殘蚪尾細燈暗玉蟲偏

又 容有逢故人
者代書其情

莫恨那回容易別不妨久遠情腸爲人留下舊風光花枝長好在
馥馥十年香 便時舊時簾外月卻來小檻低窗朦朧影裏淡梳
妝相看如夢寐回首乍思量

案宋本此下有洞仙歌綠烟深
處一首乃晁元吉絕筆因刪去

剔銀燈 同公泰賦伯歌者以
七急拍七拜勸酒

簾下風光自足春到席閒屏曲瑤甕酥融羽觴蟻鬧花映鄴湖寒
綠汨羅愁獨又何似紅圍翠簇 聚散悲歡箭速不易一杯相屬
頻剔銀燈別聽牙板尚有龍膏堪續羅重繡馥錦瑟畔低迷醉玉

水調歌頭 擬饒州法
曹操作

金馬空故事方朔漫多端三千牘在玉殿何日賜清閒難戀長安
鐘漏誰借青雲欵唾拂袖且東還笑殺長纓使復轉出秦關 吾
道在雖不遇面何慚雒陽年少高論難與絳侯談富貴豈饒先手
晞盡草頭秋露掩鼻出東山且飽鯨魚膾風月過江南

又 登衢州雙石堂呈
孫八太守公素

謝安涵雅量叔夜賦剛腸清宵假寐應笑長孺臥淮陽盡徹東平

屏障不廢南樓談詠宴寢自凝香庭下一杯土須避赤帷裳 雙

石健含古色照新堂百年喬木陰下僵立兩蛟蒼目送千山爽氣

簾卷一城風月杖屨合徜徉他日峨眉秀相望隔明光 孫贊聽事前
古冢得雙石

因以爲堂名石上有晉人題
識云巖岷眉山於文會堂前

浣溪沙

竹送秋聲入小窗香迷夜色暗牙牀小屏風掩燭花長 雁過故
人無信息酒醒殘夢零淒涼畫橋露月冷鴛鴦

武陵春

維嶽分公英特氣萬丈拂長虹丙魏蕭曹總下風千載友夔龍
寶熏嫋翠昏籠繡嘉頰佩紳同不用黃精掃鬢中元是黑頭翁

又

迎得春來聞好語賀燕立簾鉤轉蕙風光柳弄柔喜氣與春游

萬錢珍鼎期公飯天自壽留侯文物昇平速置郵江左屬風流 王
儉

云江左風流宰
相唯有謝安

又

銀浦流雲初度月空碧掛團團照夜珠胎貝闕寒光彩滿長安
春風爲拂新沙路珂馬款天關篆印金窠紅屈盤嵬嵬押千官

玉樓春

今朝何以爲公壽極貴長年公素有庭階不乏長芝蘭少翁又是
廷臣右 三能粲粲依魁秀八柱巍巍蟠地厚皇家卜冊萬斯年
年光長轉洪鈞手

又

我公兩器兼文武談笑巖廊無治古紅顏綠髮已官高赤鳥繡裳
今仲父 我欲形容無妙語頗穆清風須吉甫望公聊比泰山雲
歲歲年年天下雨

又

壓玉爲漿麟作禽珠樹瓊葩長不謝翠簾繡暖燕歸來寶鴨花香
蜂上下 沙隄佩馬催公駕月白風清天不夜重來赫赫照巖廊
不動堂堂疑太華

秦樓月 月下
觀花

薇蕞折一懷秀影花和月花和月著人濃似粉香酥色 綠陰垂
幕簾波疊微風過竹涼吹髮涼吹髮無人分付這些時節

偏地花 孫守席上
詠牡丹

白玉闌邊自凝竚滿枝頭新彩雲雕霧甚芳菲繡得成團砌合出
韶華好處 暖風前一笑盈盈吐檀心向誰分付莫與他西子精
神不枉了東君雨露

夜游宮

僕養一鶴逸去因問時以屬鄭德備家今縣齋新作陽春亭
旁見近山數峰因德備歸以此語鶴便知僕居此不落窠也

長記勞君送遠柳煙重桃花波暖花外溪城望不見古槐邊故人
稀秋鬢晚 我有凌霄伴在何處山寒雲亂何不隨君弄清淺見
伊時話陽春山數點

訴衷情

三月八日仲存席
上見吳家歌舞

花陰柳影映簾櫳羅幕繡重重行雲自隨語燕回雪趁鷺鴻 銀
字歇玉杯空蕙煙中桃花髻暖杏葉眉彎一片春風

又夕七

短疏縈綠象牀低玉鴨度香遲微雲淡著河漢涼過碧梧枝 秋
韻起月陰移下簾時人閒天上一樣風光我與君知

醉花陰

檀板一聲鶯起速山影穿疏木人在翠陰中欲覓殘春春在屏風
曲 勸君對客杯須覆燈照瀛洲綠西去玉堂深魄冷魂清獨引
金蓮燭

又

金葉猶溫香未歇塵定歌初徹暖透薄羅衣一霎清風人映團團
月 持杯試聽留春闕此箇情腸別分付與鶯鶯勸取東君停待
芳菲節

減字木蘭花

正月十七日孫守約觀殘燈
是夕燈火甚盛而雪消雨作

暖風吹雪洗盡碧階今夜月試覓雲英更就藍橋惜月明 從教
不借自有使君家不夜誰道由天光景隨人特地妍

又

留買
私老

曾教風月催促花邊煙棹發不管花開月白風清始肯來 既來

且住風月閒詩秋好處收取淒清暖日闌干助夢吟 私老夢中
嘗作詩

又

李家出
歌人

小橋秀絕露溼芙蓉渠花上月月下人人花樣精神月樣清 誰言
見慣到了司空情不慢承相暝無若不暝時醉倩扶

上林春令

十一月三
十日見雪

蝴蝶初翻籬繡萬玉女齊回舞袖落花飛絮濛濛長憶著灞橋別
後 濃香斗帳自永漏任滿地月深雲厚夜寒不近流蘇祇憐他
後庭梅瘦

帶人嬌

雪做屏風花爲行帳屏帳裏見春模樣小晴未了輕陰一餉酒到
處恰如把春拈上 官柳黃輕河隄綠漲花多處少停蘭槳雪邊
花際平蕪草幃這一段淒涼爲誰悵望

又

約歸同錫參
差戲作寄內

短棹猶停寸心先往說歸期喚做的當夕陽下地重城遠樣風露
冷高樓誤伊等望 今夜孤村月明怎向依還是夢回繡幌遠山

想像秋波蕩漾明夜裏與伊畫著眉上

惜分飛 富陽水寺
秋夕望月

山轉沙回江聲小望盡冷煙衰草夢斷瑤臺曉楚雲何處英英好

古寺黃昏人悄悄簾卷寒堂月到不會思量了素光看盡桐陰

少

又 富陽僧舍
代作別語

淚溼闌干花著露愁到眉峰碧聚此恨平分取更無言語空相覷

短雨殘雲無意緒寂寞朝朝暮暮今夜山深處斷魂分付潮回

去

又 酒家樓望其南有
佳客招之不至

花影低徊簾幕卷慣了雙人燕燕驚散離闌晚雨昏燈重垂楊院

雲斷月斜紅燭短望斷真箇望斷情寄梅花點趁風吹過樓南

畔

又

恰則心頭托托地放下了日多縈係別恨還容易袖痕猶有年時

淚 滿滿頻斟乞求醉且要時間忘記明日劉郎起馬蹄去便三

千里

蝶戀花 聽周生
賦琵琶

聞說君家傳窈窕秀色天真更奪丹青妙細意端相都總好春愁

春媚生顰笑 瓊玉胸前金鳳小那事殷勤總託琵琶道十二峰

雲遮醉倒華燈翠帳花相照

又 秋晚東歸留吳會甚
久無一人往還者

江接寒溪家已近想見秋來松菊荒三徑目送吳山秋色盡星星

卻入雙蓬鬢 鳧短鶴長真箇定勳業來遲不用頻看鏡懶出問

人人不問綠尊倒盡橫書枕

又 戊寅秋寒
秀草觀梅

相見江南情不少爾許多時怪得無消耗淡日暖雲句引到闌干

寂寞憐春小 宮面可欸勻畫了粉瘦酥寒一段天真好喚起玉

兒嬌睡覺半山殘月南枝曉

又 寒食

紅杏梢頭寒食雨燕子泥新不住飛來去行傍柳陰聞好語鶯兒
穿過黃金縷 桑落酒寒杯懶舉總被多情做得無情緒春過二
分能幾許銀臺新火重簾暮

又 東堂下牡丹僕所
栽者清明後見花

三疊闌干鋪碧甃小雨新晴纔過清明後初見花王披袞繡嬌雲
瑞日明春晝 彩女朝真天質秀寶髻微偏風卷霞衣皺莫道東
君情最厚韶光半在東堂手

又 春夜
不寐

紅影斑斑吹錦片露葉煙梢寒月娟娟滿更起繞庭行百徧無人
祇有棲鴛見 覓箇薄情心對換愁緒偏長不信春宵短正是碧
雲音信斷半衾猶賴香熏暖

又 席上和孫使君
孫春當受代

城上春雲低閣雨漸覺春隨一片花飛去素頸圓吭鶯燕語不妨
緩緩歌金縷 墮紀頽綱公已舉但見清風蕭瑟隨談緒借寇假
饒天不許未須忙遣韶華暮

又 送
茶

花裏傳觴飛羽過漸覺金槽月缺圓龍破素手轉羅酥作顰鵝溪
雪絹雲腴墮 七椀能醒千日臥扶起瑤山嫌怕香塵浣醉色輕
鬆留不可清風停待些時過

又 秋
枕

不雨不晴秋氣味酒病秋懷不做醒鬆地初換夾衣圍翠被薔薇
水潤衙香膩 旋折秋英餐露蕊金縷蚪團更試康王水幽夢不
來尋小睡無言劃盡屏山翠

更漏子 熏香
曲

玉狻猊金葉暖馥馥香雲不斷長下著繡簾重怕隨花信風 傍
薔薇搖露點衣潤得香長遠雙枕鳳一衾鸞柳煙花霧閒

又 初秋雨後
聞鷓鴣

綠窗寒清漏短帳底沈香火暖殘燭暗小屏彎雲峰遮夢還 那
些愁推不去分付一檐寒雨檐外竹試秋聲空庭鶴喚人

又 和孫公素汎
舟觀競渡

柳藏煙雲漏日寒滿雕盤玉食風卷旆水搖天魚龍挾彩船 水
邊人波面樂太守與民同樂春好處總隨軒花中誰狀元京妓以色
勝者為狀

紅元

西江月 次韻孫使君賞花見
寄時僕武康待次

花下春藏五馬松閒風落雙鳧兵廚玉帳卷鄱湖人醉碧雲欲暮

歸去聊登文石翺翔便是天衢雅歌誰解繼投壺桃李無言滿

路

又 蘇圃
小酌

煙雨半藏楊柳風光初到桃花玉人細細酌流霞醉裏將春留下

柳畔鴛鴦作伴花邊蝴蝶為家醉翁醉裏也隨他月在柳橋花

樹

又 長安秋夜與諸
君飲分題作

雨後夾衣初冷霜前細菊渾斑觚稜清月繡團環萬里長安秋晚

槽下內家玉滴盤中江國金丸春容著面作微殷燭影紅搖醉

眼

又 侑茶
詞

席上芙蓉待暖花閒驪屢還嘶勸君不醉且無歸歸去誰人惜醉

湯點餅心未老乳堆瓊面初肥留連能得幾多時兩腋清風喚

起

青玉案 新涼

芙蓉花上濛濛雨又冷落池塘暮何處風來搖碧戶卷簾凝望淡

煙疏柳翡翠穿花去 玉京人去無由駐恁獨坐憑闌處試問綠

窗秋到否可人今夜新涼一枕無計相分付

又 竹間
戲作

玉嬰初有排雲分向晚色娟娟靜秋入風枝清不盡月和粉露徘徊

孤映獨夜扶疏影 子猷風調全相稱是彼此無凡韻玉勒前

頭花柳近水邊石上冷依煙雨時有幽人問

又 戲贈
醉妓

玉人為我殷勤醉向醉裏添姿媚偏著冠兒釵欲墜桃花氣暖露

濃煙重不自禁春意 綠榆陰下東行水漸漸近淒涼地明月侵